



SANFE DEMELI

Sɛbennikela Watson Goodman

Nin sɛbɛn bɛ di gwansan,
a tɛ feere.

SANFE DEMELI

“Sanfe Demeli” sebenna ka ke seben fitinin ye walasa mogo mana taa yoro o yoro, a be se ka a ta a yere kun. Koo kelen sebenna seben fura o fura sanfe. O koo, Ala ka kuma yoro dow sebenna ka ben ni o koo kelen ye. O cogo la, Ala ka kuma be a yere gweya.

Tlennenya minnogo ani tlennenya kongo be mogo min na, o na demeli soro ka bo Ala ka kuma la, o min be bo sanfe. Ni mogo be nimisi ka a ka jurumu bila, o koo ka la Kisiba Yesu Krisita la ni a dusukun bee ye, Matigi na i yere yira a la ka a yere ka nyagari ani here don a dusu la. O kisili ni nyagari ni here sera ne yere dusu ma 1937 la. Ka bo o doon na fo ka se bi ma, jennyogonya ma tige ne ni ne Matigi ce. O kason, ne be i dali sisan ko ni i ma i yere di Matigi Yesu ma folo, i ka o ke bi. Ala ka duba i ye. —Watson Goodman (1920-2002)

Ala Ka Kanuya

1

Yirali 1:5

Ani Yesu Krisita, seere tlennen, suw la folo bangilen, ani dugukolo kan masakew ka masakε, neema ni dusu suma ka di aw ma ka bo olu la.

Romekaw 5:8, 9

Nga Ala ye an kanu cogo min na, a ye o yira nin koo de la, ka an jurumuto to, Krisita sara an ye, janko jo dilen koo an ma Yesu joli koson, an na kisi Ala ka dimiya ma Yesu barika la.

Yuhana 13:1

Sanni Temenkan seli ka se, Yesu y'a lon ko a ka waati sera ka bo nin dien na ka taa a Faa ma.

Ayiwa, a yere ka mogo minw be dien na, a tun ye u kanu, a ye u kanu fana fo a laban.

Zeremi 31:3

Ka Zehofa to yoro jan na, a y'i yira ne la, a ko: Ne ye i kanu ni kanuya banbali ye, o de koson ne ye ne ka nyumanya to i fe.

Yuhana 15:13

Kanuya te mogo si fe ka temen nin kan, ka a nii di a teriw koson.

Yuhana 3:16

Ala ye dien kanu haali, fo a ye a Denke kelenpe di, walasa mogo o mogo lara a la, o kana halaki, nga o ka nyanamanya banbali soro.

Yesu Krisita Taa Alaya

1 Timote 3:16

Ala nyaa siran gundo kabon haali, sɔsɔli tɛ o la. Ala farikolo-man y'i yira, jo dira a ma Nii Senu fɛ, a yera melekɛw fɛ, a koo waajuli kera siyaw cɛman, danaya kera a la dien na, a kɔrɔtara ka taa nɔɔrɔ la.

Yuhana 14:9, 10a

Yesu y'a fɔ a ye: Bi ma ne ni aw bila nyɔgɔn fɛ, i ma ne lɔn wa, Filipe? Min nyaa lara ne kan, o nyaa lara ne Faa kan. I dun b'a fɔ cogo di, ko ne ka ne Faa yira aw la? I ma la a la ko ne bɛ ne Faa la, ko ne Faa bɛ ne la wa?

Matiyu 1:22, 23

O koo bɛɛ kera ten walasa Mati-gi ka kuma min fɔra kira dɔ fɛ, o ka dafa, ko: A fɛ, npogotigi na kɔnɔ taa, ka denke sɔrɔ, u na a tɔgɔ la Emanuwel, o kɔrɔ, Ala bɛ an cɛman.

Yuhana 1:1, 14

Fɔlɔfɔlɔ, Kuma tun bɛ, o Kuma tun bɛ Ala daa fɛ, o Kuma tun ye Ala de ye... O Kuma kera farisogo ye, ka sigi an cɛman. An ye a nɔɔrɔ lajɛ, o nɔɔrɔ bɛ iko Denke kelenpe taa min bɔra Faa Ala la. A falen bɛ neema ni tinyɛ la.

Luka 1:35

Melɛke y'a jaabi, ko: Nii Senu be na i kan, Korɔtalenba ka seba-ya na biri i kan. O de y'a to fana, deen senuman min bɛna bangi i fe, o na wele Ala Denke.

Matiyu 17:5

Ka a to o kuma la, sankaba yee-len bɛlen birila u kuun na, kuma kan dɔ bɔra sankaba la, a ko: Nin ye ne Denke kanulen de ye. A koo kadi ne ye haali. Aye a lamɛn.

Yuhana 1:33, 34

Ne kɔni tun ma a lɔn, nga min ye ne cii ko ne ka batiseli ke jii la, o de y'a fɔ ne ye, ko ne mana Nii Senu jigintɔ ye ka sigi min kuun

na, o de be batiseli ke Nii Senu la. Ne y'a ye ka seereya ke ko nin de ye Ala Denke ye.

Kolɔsekaw 2:9

Katuguni Alaya dafalɛnya fari-koloman, o bɛɛ sigilen be ale de kɔnɔ.

1 Yuhana 4:15

Mɔgɔ o mɔgɔ y'a fɔ ko Yesu ye Ala Denke ye, Ala tolen be o la, o tolen be Ala la.

Ezayi 9:5

Deen bangira an ye, denke dira an ma. Kuntigiya na la a kaman kan. A tɔgɔ na wele ko Kabako, Nyayirala, Sebayatigi Ala, Abada Faa, Here Kuntigi.

Yuhana 8:23

A y'a fɔ u ye, ko: Aw ye duguma taw ye, ne kɔni ye sanfɛ taa ye. Aw ye nin dien taw ye, ne tɛ nin dien taa ye.

Yuhana 11:25

Yesu y'a fɔ a ye: Ne de ye suu kununni ni nyanamanya ye. Nin min lara ne la, hali ni o sara, a na nyanamanya.

Yuhana 13:13

Aw bɛ ne wele Karamɔgɔ ni Matigi, aw ye tinyɛ fɔ, katuguni ne ye o ye.

Yuhana 6:35

Yesu y'a fɔ u ye: Ne de ye nyanamanya dumunifɛn ye. Nin mɔ-

gɔ min nana ne ma, kɔngɔ tɛ o minɛ. Nin min lara ne la, minnɔgɔ tɛ o minɛ abada.

Yuhana 8:58

Yesu y'a fɔ u ye: Tinyɛ, tinyɛ, ne b'a fɔ aw ye, sanni Ibrahim ka bangi, ne bɛ yen.

Yuhana 10:7

Yesu y'a fɔ u ye kokura, ko: Tinyɛ, tinyɛ, ne b'a fɔ aw ye, ne ye sagaw ka daa ye.

Yuhana 4:25, 26

Muso y'a fɔ a ye: Ne y'a lɔn ko Masiya bɛ na, o kɔrɔ ko Krisita. O mana na, a na fɛɛn bɛɛ fɔ an ye. Yesu y'a fɔ a ye, ko: O ye ne de ye, ne min bɛ kuma i fɛ.

Matiyu 20:30, 34

U y'a men minke ko Yesu tementɔ lon, u perenna, ko: Matigi, Dawuda Denke, makari an na . . . U hine ye Yesu mine, a magara u nyaw la. O yɔrɔ nin be u ye yeli ke, u tugura a nɔɔ fe.

Matiyu 21:19

A ye tubabu torosun dɔ ye sira daa la. A y'i madon a la, nga a ma foyi sɔrɔ a la fura kɔɔ. A y'a fɔ a ye: Deen si kana bɔ i la tun abada. O yɔrɔ nin be torosun jaara.

Matiyu 14:19-21

A ye o buru kuun duuru ni jɛge fila ta, ka a nyaa kɔrɔta sanfe, ka duba ta a ye. O kɔɔ, a ye buru kari-

kari, ka a di kalandenw ma, kalandenw y'a di jama ma. U bɛɛ ye dumuni ke k'u fa. U ye dumuni kunkurun to tolenw cɛ ka segi tan ni fila fa. O dumunikelaw ye cɛɛ waa duuru nyɔgɔn bɔ, musow ni denmiscnw seen t'a la.

Luka 5:4-6

A tlalen kɔɔ a ka kuma la, a y'a fɔ Simon ye, ko: I ka kurun madon dun na ka aw ka jow bila jii la ka mɔni ke. Simon y'a jaabi, ko: Karamɔgɔ, an sira baara la, an ma foyi mine, nga i ka kuma kɔsɔn ne na jow bila jii la. U y'o ke minke, u ye jɛge caman mine kɔsɛbe fo u ka jo bira tigeli la.

6 Yesu Krisita Ye Danba Ani Matigi Ye

Heburuw 1:2

Ala . . . nga a kumana an fe nin lonw laban na a Denke de la. A ye o sigi ka a ke feen bee ceen tala ye. A ye dienw dan fana o barika la.

Kewaliw 2:36

Israyeli ka soo bee ka a lon ka gweya a la, ko aw ye nin Yesu min gwengwe yiri la, Ala ye o ke Matigi ni Krisita ye.

Romekaw 14:9

Nin de y'a to Krisita sara ka nyanamanya, walasa a ka sigi suw ni nyanamanw kuun na.

Efezekaw 3:9

Ko gundo min dogolen tun be feen bee danba Ala la kabini waa-

tiw daa minc, o nyanaboli ye min ye, ne ka o labo kene la mogow bee nyaa na.

Yuhana 1:3

Feen bee danna o de fe. Feen o feen danna, o si ma dan ni ale noo te.

1 Korontekaw 1:9

Ala ye kantigi ye, ale de ye aw wele ka ke a Denke an Matigi Yesu Krisita jennyogonw ye.

Kolosekaw 1:16

Katuguni sankolo la fenw ni dugukolo kan fenw, feen yetaw ni feen yebaliw, masa sigi yorow ni matigiyaw, kuntigiyaw ni fangaw, feen bee danna ale fe ni ale ye ani ale la.

Yesu Krisita Ye Fæen Bæe Kiiritigela Ye

7

Matiyu 25:32

Siyaw bena lajen a nyaa kɔɔ, a na u fara ka bɔ nyɔɔn na, iko sagagwenna bɛ sagaw ni baw fara ka bɔ nyɔɔn na cogo min na.

Kɛwaliw 10:42

Yesu ye cii fɔ an ye ko an ka mɔɔw waaju ka fɔ ka a gwɛya ko Ala ye min sigi ka kɛ nyanamanw ni suw kiiritigela ye, o ye ale de ye.

Rɔmekaw 2:16

Ni Ala bɛ mɔɔw ka koo dogolenw kiiritige Yesu Krisita bolo loon min na, ka kenye ni ne ka ki-baru diman ye.

2 Timote 4:1

Ne b'a gwɛleya i ma Ala ni Krisita Yesu nyaa na, o min bena kiiritige nyanamanw ni suw kan, ka a gwɛleya i ma a yirali ni a ka masaya kɔɔn.

Luka 3:17

A ka lefe bɛ a bolo, a na a ka gwendekene furan ka a sebe jen, ka nyɔɔ lasagon a ka jigine kɔɔ, nga a na nwenye jɛni tasuma sabali la.

Rɔmekaw 14:10

E kɔni, mun y'a to i bɛ i balima jalaki? E fana, mun y'a to i bɛ i balima mafyenyanya? An bæe na an jɔ Ala ka kiiritige yɔɔ la.

8 Kunmaboli Bε Soro Yesu Krisita Kelenpe Fε

Yuhana 10:9

Ne de ye daa ye. Nin min donna ne fε, o na kisi, ka don, ka bɔ, ka dumuni kε yoro soro.

Yuhana 14:6

Yesu y'a fɔ a ye: Ne de ye sira ye ani tinyε ani nyanamanya. Mogo si tε na ne Faa ma ni ne nɔ tε.

Heburuw 5:9

A dafalen koo, a kera abada daboba ye a kan minbaw ye.

Yuhana 8:24

O de y'a to ne y'a fɔ aw ye ko aw na sa ka aw to aw ka jurumuw la, katuguni aw ma la a la ko ne

ye ale de ye, aw na sa ka aw to aw ka jurumuw la.

Heburuw 7:25

O de kason fana, minw bε gere Ala la ale bolo, a bε se ka olu kisi fo a laban, kamasoro a nyanaman bε to fo abada ka dalili kε u ye.

Romekaw 3:24

Jo bε di u ma gwansan a ka neema barika la kunmaboli fε, o kunmaboli min bε Krisita Yesu la.

Kisili tε soro do were si la ale koo, katuguni an kakan ka kisi togo min fε, o si ma di mogow ceman sankolo jukoro, ale togo koo.
—Kewaliw 4:12

Kunmaboli Bɛ Sɔrɔ Yesu Krisita Kelenpe Fɛ 9

Tite 2:14

O de ye a yere di an kɔsɔn, wala a ka an kunmabɔ koo jugu bɛɛ ma, ka siya dɔ saniya a yere ye, u ka ke a yere taw ye, ka u jija kewali nyumanw la.

U ye tanuli dɔnkili kura la, ko: E de kakan ni kitabu tali ye, ani ka a taamashyenw daa yele, katumuni i fagara, i ye mɔgɔ dɔw san Ala ye i jɔli la ka bɔ bonsɔnw bɛɛ ni kanw bɛɛ ni mɔgɔ sifaw bɛɛ ani siyaw bɛɛ la. —Yirali 5:9

Kɔlɔsekaw 1:12-14

Aw ka barika la an Faa ye, o de ye an labɛn ka niyɔrɔ sɔrɔ senumanw ka cɛɛn na kenɛ la. A ye an tla ka bɔ dibi fanga la, ka an ladon

a Denke kanulen ka masaya la. An ye kunmaboli sɔrɔ ale de la, jurumu yafa kɔni.

Luka 19:10

Min tununa, Mɔgɔ Denke nana o nyini, ka a kisi.

Galasikaw 3:13

Krisita ye an kunmabɔ ton ka danga ma, ale yere kɛra danga ye an nɔɔ na—kamasɔrɔ a sebennen bɛ, ko: Mɔgɔ o mɔgɔ dlonna yiri la, o dangalen bɛ.

1 Kɔrentekaw 1:30

Aw kɔni bɛ Krisita Yesu la ale de barika la. Ala ye Yesu ke hakili tigiya ye an ye, ani tlennnya ni saniyali ani kunmaboli.

1 Yuhana 1:7

Nga ni an be taama kene la, iko ale yere be kene la cogo min na, an ye jennyogonw de ye, a Denke Yesu Krisita joli be an saniya jurumu bee ma.

Romekaw 5:9

Janko jo dilen koo an ma Yesu joli koson, an na kisi Ala ka dimiya ma Yesu barika la.

Matiyu 26:28

Nin ye ne joli de ye, layidu kura joli, a bonna mogo caman ka jurumu w yafa kama.

1 Piyere 1:18, 19

Kamasoro aw b'a lon ko aw ma kunmabo ni feen tolitaw ye, iko wari ni sanu, ka bo aw ka taama

cogo fufafu la, aw kalanna o min na aw faw fe. Nga aw kunmabara ni Krisita joli ye, o kafisa feen bee ye, i n'a fo sagaden joli, nso si t'a la, nogo yoro t'a la.

Romekaw 5:11

O doron te, an be nyagari kosebe fana Ala la an Matigi Yesu Krisita barika la. Ale de barika la a an ye an ni Ala ce labenni soro sisan.

Nga Krisita joli be saniyali ke ka temen o kan kosebe. A ye a yere ke saraka ye Ala ma, abada Nii barika la, nso si t'a la. A joli be aw dusukun saniya ka kewali salenw bo a la, walasa aw ka baara ke Ala nyanaman ye. —Heburuw 9:14

Min Lara Yesu Krisita La, O Be Kisi

11

Efezekaw 2:8, 9

Aw kisilen be neema de barika la danaya fe. O ma bo aw yerew la de, Ala ka nilifen lon. O te kewaliw noo ye, walasa mogo si kana a yere bonye.

Romekaw 5:1

Jo dira an ma danaya barika la. O de koson, here donna an ni Ala ce an Matigi Yesu Krisita barika la.

Galasikaw 5:6

Krisita Yesu la, bolokoli o, bolokobaliya o, nafa te u si la. Dana-ya min be baara ke kanuya barika la, nafa be o de la.

Yuhana 20:31

Nga nin kow sebenna walasa aw ka la a la ko Yesu ye Krisita ye, Ala Denke, ani walasa ni aw lara a la, aw ka nyanamanya soro a togo la.

Yuhana 6:28, 29

U y'a fo a ye: An na mun ke ka Ala ka kewaliw ke? Yesu ye u jaa-bi, ko: Nin de ye Ala ka kewali ye, Ala ye min cii, aw ka la o la.

1 Yuhana 5:4

A ka ciw mangwede, kamasoro min bangira Ala fe, o be see soro dien kan. See min be soro dien kan, o ye nin de ye, an ka danaya.

2 Kɔrentekaw 1:3

Tanuli ka ke an Matigi Yesu Krisita Faa Ala ye, makari Faa ani dusu saloli be tigi Ala.

Zaburuw 103:11

A be makari min ke a nyaa siranbaw la, o kabon, a be sankolo ni dugukolo ce janya ba.

Zaburuw 103:17

Nga Zehofa ka makari be a nyaa siranbaw la kabini folofolo fo abada. A ka tlenneya be denw taa denw kan.

Zaburuw 108:5

Katuguni i ka makari kabon sankolow sanfe, i ka kantigiya sera fo sankabaw ma.

Tite 3:5

An yerew ye kewali nyuman minw ke, olu noo te de, a yere ka makari noo lon, o kera bangi kokura koli ni Nii Senu ka kurayali barika la.

Joni ye i bonyogon koo Ala ye, e min be tlenbaliya yafa, min te i hakili to i ka cenw to tolenw ka ton cenni kow la? A diminen tena to fo abada, katuguni makari koo kadi a ye haali. —Mise 7:18

Zeremi ka Kasili Kan

Dɔnkili 3:22, 23

Zehofa ka makari de y'a to an ma ban, katuguni a ka hinc kow te ban. U be kuraya sogoma o sogoma. I ka kantigiya kabon haali.

Ezayi 1:18

Zehofa ko: Aye na sa, an ka nyɔ-
gɔn famu. Hali ni aw ka jurumuw
blenna, u na gweya iko nezi. Ni u
blenyara fo ka fin, u na ke iko
sagasi gweman.

Yuhana 7:37

Seli loon laban, seli loonba,
Yesu ye i jɔ yen ka peren, a ko: Ni
minnɔgɔ bε mɔgɔ min na, o ka na
ne ma k'i min.

Yirali 22:17

Nii Senu ni kɔnyɔmuso b'a fɔ:
Na. Min b'a men, o k'a fɔ: Na.
Minnɔgɔ bε min na, o ka na. Nin
min sɔnna, o ka nyanamanya jii
min gwansan.

Matiyu 11:28

Aye na ne ma, aw minw bεε se-
genen bε, ni aw doninen bε, ne na
lafinyε di aw ma.

2 Kɔrentekaw 5:20

An ye ciden fangamanw ye Kri-
sita nɔɔ na. A bε iko Ala bε waa-
juli ke an daa la. An bε aw dali
Krisita nɔɔ na ko aw ka sɔn aw ni
Ala ce ka ben.

Ezayi 55:1

Minnɔgɔtɔw, aw bεε ka na jiw
yɔɔ la, ani wari te min fe fana.
Aye na ka sanni ke ka dumuni ke.
Aye na ka duwen ni nɔnɔ san ni
wari te, sɔngɔ t'a la.

1 Yuhana 3:10

Ala denw ni Sitane denw bɛ lɔn ka bɔ nyɔgɔn na nin de la, mogɔ o mogɔ tɛ to ka tlenneya kɛ, o ma bɔ Ala la, o ni min tɛ a balima kanu fana.

Rɔmekaw 8:14, 15

Ala Nii ye minw nyaminɛba ye, olu bɛɛ ye Ala denw ye. Aw ma jɔnya nii sɔrɔ, ka kɔsegin ka siran kokura, nga aw ye denya nii sɔrɔ. Ale de b'a to an bɛ perɛn, ko: Aba, an Faa.

2 Kɔrentekaw 6:17, 18

O de y'a to, aw ka bɔ u cɛman ka fara u la, Matigi ko ten. Aw

kana maga fɛɛn saniyabali si la. Ni aw ye o kɛ, ne na sɔn aw la, ne na kɛ aw Faa ye. Aw na kɛ ne denkɛw ni ne denmusow ye. Matigi Sebayabɛɛtigi ko ten.

Filipekaw 2:15

Walasa aw ka kɛ jalakibali gwɛlenw ye, Ala deen jalakibaliw, mɔwolo tlenbali tulo gwɛle cɛman, k'a sɔrɔ aw bɛ yeelen bɔ u cɛman iko fitinew bɛ dien na cogo min na.

Yuhana 1:12

O bɛ n'a ta, minw sɔnna a ma, a ye fanga di olu bɛɛ ma ka kɛ Ala denw ye, olu minw lara a tɔgɔ la.

Talenw 23:31, 32

I kana i nyaa la duwen kan ni a blenna, ni a bɛ kanga fileen kɔnɔ, ni a bɛ furufuru tuma min na. A laban na, a bɛ mɔgɔ cin i n'a fɔ saa, a b'a cin i n'a fɔ dankalan.

Ezayi 5:11

Mɔgɔ minw bɛ soli ka wuli, wala u ka minnifen farimanw min ka men u nyaa na, fɔ dlo bɛ u nyamini, bɔnɛ bɛ olu ye.

Galasikaw 5:19-21

Ayiwa, farisogo ka kɛwaliw y'u yira, u flɛ ninw ye, jatɔya, nɔgɔlenya, kakalaya, boli batoli, subaya, nyɔgɔn juguya, kɛɛ, kɛɛya,

dusu dimi kow, bila nyɔgɔn na kow, sɔsɔli kow, kan tlali kow, koniya, mɔgɔ fagali, dloɔya, koo kolonya, ani olu bɔnyɔgɔn kow. Ne bɛ aw lasomi, iko ne tun y'a fɔ aw ye kaban cogo min na, ko mɔgɔ minw bɛ o kow kɛ, olu tena Ala ka masaya sɔrɔ cɛn na.

Rɔmekaw 13:13, 14

An ka taama cogo tlennen na, iko tile fɛ la cogo. An kana taama tloon juguw ni dloɔya la, wala jatɔya ni kakalaya la, wala kɛɛ ni kɛɛya la. Nga aye Matigi Yesu Krisita don aw la, aw kana fari-sogo nege kow nyasigi.

Talenw 16:25

Sira dɔ bɛ yen, a tlennen lon mɔgɔ nyaa na, nga a laban ye saya siraw ye.

Marika 10:17-22

Ka a taatɔ to sira fɛ, cɛɛ dɔ bolila ka taa i nyɔngiri a kɔrɔ, ka a nyininga, ko: Karamɔgɔ nyuman, ne ka mun kɛ walasa ne ka nyanamanya banbali sɔrɔ? Yesu y'a fɔ a ye, ko: Mun na i bɛ ne wele nyuman? Nyuman si tɛ fo kelen, o ye Ala ye. I bɛ cii fɔlen lɔn. I kana jatɔya kɛ. I kana mɔgɔ faga. I kana sonyeli kɛ. I kana galon see-reya kɛ. I kana mɔgɔ si tɔnyɔ. I

ka i faa ni i baa bonyɛ. O cɛɛ y'a fɔ a ye: Karamɔgɔ, ne ye o ciw bɛɛ mara kabini ne denmisenma. Yesu y'a mafɛ, a y'a kanu. A y'a fɔ a ye, ko: Fɛɛn kelen bɛ i jɛ. Taa i bolofɛn bɛɛ feere, ka a di fantanw ma, nafoloba na kɛ i fɛ sankolo la. O kɔɔ, i ka na tugu ne la. A nyaa kumuna o kuma kɔsɔn. A nyanasisilen taara, kamasɔrɔ nafoloba tun bɛ a fɛ.

Matiyu 22:37, 38

A y'a fɔ a ye: I ka i Matigi Ala kanu ni i dusukun bɛɛ ye, ani i nii bɛɛ, ni i hakili bɛɛ. O ye cii fɔlen fɔlɔfɔlɔ ni ciw bɛɛ la belebele de ye.

Yakuba 1:22

Aw ka ke Ala ka kuma kebaw ye, aw kana ke a menbaw doron ye, ka aw yerew lafili.

Efezekaw 5:6

Mogo si kana aw lafili ni kuma fu ye, katuguni o kow de b'a to Ala ka dimiya be na kan bilali denw kan.

1 Yuhana 3:7, 8a

Denmisenw, mogo si kana aw lafili. Nin min be tlenneya kan, o tlenen be, iko ale yere tlenen be cogo min na. Nin min be to ka jurumu ke, o bora Sitane de la, katuguni Sitane be jurumu ke kabini folofolo.

Galasikaw 6:3

Ni mogo do y'i miiri ko ale ye feen ye, k'a soro a te feen ye, o be a yere lafili.

Matiyu 24:5

Mogo caman be na ne togo la k'a fo ko u ye Krisita de ye. U na mogo caman lafili.

1 Korentekaw 6:9, 10

Aw ma a lon ko tlenbaliw tena Ala ka masaya soro wa? Aw kana aw yerew lafili, kakalaw o, boli batobaw o, jatow o, musomaw o, cee nyogon nyininaw o, sonyelikelaw o, wasabaliw o, dlotow o, nenilikelaw o, binkanikelaw o, olu si tena Ala ka masaya soro.

Talenw 11:19

Mɔgɔ min tora tlenneya kan,
o na nyanamanya sɔrɔ. Min bε ju-
guya nɔɔ fε, o na saya sɔrɔ.

Yakuba 1:15

Nege dun mana kɔnɔ ta, a bε ju-
rumu bangi. Jurumu mana dafa,
a bε saya bangi.

Rɔmekaw 8:6

Farisogo kow miirili ye saya ye,
nga Nii Senu kow miirili ye nya-
namanya ni herε de ye.

Rɔmekaw 5:12

A bε tan. Jurumu donna dien na
mɔgɔ kelen barika la. Saya sera
Adama denw bεε ma, kamasɔrɔ u

bεε ye jurumu kε. Sanni ka ton
sigi, jurumu tun bε dien na, nga
jurumu tε jati ni ton tε yen.

Luka 15:32

Nga an kakan ka nyanagwe ka
nyagari, katuguni i dɔgɔkε min ye
nin ye, a salen tun bε, a nyana-
manyara, a tun tununa, a yera.

Ezekiyel 18:20

Mɔgɔ min ye jurumu kε, o de na
sa. Faa ka tlenbaliya tena bila a
denkε kun, denkε ka tlenbaliya
tena bila a faa kun. Mɔgɔ tlenen
ka tlenneya na kε a yere kun,
mɔgɔ jugu ka juguya na kε a yere
kun.

Luka 7:14, 15a

A y'i gere u la ka a bolo la suutalan kan, suu doninaw y'u jo. A ko: Kamalen, ne b'a fo i ye, wuli. O suu wulila k'i sigi ka kuma daa mine.

Yuhana 11:43, 44

A ye o fo tuma min na, a perenna kosebe, ko: Lazare, bo kenema. Suu bora, a bolow ni a senw siri-len be kasange la, kuun na sirilan be a nyada la. Yesu y'a fo u ye: Ay'a foni ka a bila a ka taa.

Yuhana 10:17, 18

Ne Faa be ne kanu nin de koson, katuguni ne be ne nii di walasa ne ka a ta kokura. Mogo si t'a bosi ne la nga ne yere b'a di. Fanga be

ne fe ka a di, fanga be ne fe ka a ta kokura. O cii fora ne ye ne Faa fe.

Yirali 1:18

I kana siran, ne ye folo ni laban ye. Ne nyanaman lon, ne tun sara, a fle, ne nyanaman be to abada fo abada. Saya ni Hadesi konnege be ne bolo.

1 Korintekaw 15:24-26

O koo, laban na se. Kuntigiya bee ni fanga tigiya bee ani sebaya bee bannen koo a fe, a na masaya don Faa Ala bolo, katuguni wajibi lon a ka sigi masaya la fo a ka a juguw bee bila a seen koro. A jugu min na ban feen bee koo, o ye saya ye.

Duterɔnɔme 5:7-21

Ko i kana batofen were si ke i fe ale kɔɔ.

I kana jaa lesenen si dlan i yere ye, sankolo la feen wala dugukolo kan feen wala dugukolo jukɔɔ jii la feen, i kana olu si bisigi dlan i yere ye. I kana i biri u kɔɔ, i kana baara ke u ye. . . .

I kana Zehofa i ka Ala tɔɔ fɔ fu. Nin min be Zehofa tɔɔ fɔ fu, Zehofa tena o tigi to jalakibali ye.

I hakili to lafinye loon na ka a saniya, iko Zehofa i ka Ala y'a fɔ i ye cogo min na. I ka baara ke tile wɔɔɔ kɔɔɔ ka i ka baara bee ke, nga tile wolonwula loon ye Zehofa i ka Ala ka lafinye loon ye. . . .

I faa ni i baa bonye, iko Zehofa i ka Ala y'a fɔ i ye cogo min na, wala Zehofa i ka Ala be jamana min di i ma, i shii tilew ka caya, ani i ka here sɔɔ o la.

I kana mɔɔ faga.

I kana jatɔya ke.

I kana sonyeli ke.

I kana galon seereya ke i mɔɔ nyɔɔn kan.

I nyaa kana bɔ i mɔɔ nyɔɔn muso fe. I nyaa kana bɔ i mɔɔ nyɔɔn ka soo fe, wala a ka foro wala a ka jonke wala a ka jonmuso wala a ka misi wala a ka fali. I nyaa kana bɔ i mɔɔ nyɔɔn ka feen si fe.

I Te Se Ka I Yere Dogo Ala Ma

21

Luka 8:17

Gundo si te fana ni a tena bo kene kan ka lon.

Zobe 34:21, 22

Ala nyaa be mogo ka siraw kan, a be a taama cogo bee kolosi. Dibi ni saya suma te yen ka ke tlenbaliya kebaw dogo yoro ye.

Zeremi 23:24

Mogo be se ka a yere dogo yoro dogolen na, walasa ne kana a ye wa? Zehofa ye o fo. Ne te sankolo ni dugukolo fa wa? Zehofa ye o fo.

Zaburuw 139:8, 12

Ni ne yelesa ka taa sankolo kono, i be yen, ni ne be ne la Hadesi kono, a fle, i be yen. . . . Dibi te

dibi ye i nyaa na, suu be kene bo iko tile, dibi ni kene kakan i nyaa na.

Talenw 15:3

Zehofa nyaa be yoro bee la, a be mogo juguw ni mogo nyumanw kolosi.

Heburuw 4:13

Danfen si dogolen te a nyaa na, nga an kakan ka an konyew nyaa fo min ye, feen bee lakolon lon, u daa yelesen be o nyaa koro.

Kewaliw 17:27

A b'a fe u ka Matigi nyini, ni u momoli keto be se ka a soro, hali k'a soro a yoro manjan an si la, katuguni ale de la, an be.

22 Ala Nyaa Siranbaliw Na Abada Tɔɔɔ Sɔɔɔ

2 Piyere 3:7

Nga sankolo ni dugukolo minw be sisan, olu maralen be o kuma kelen barika la tasuma kama. U bilalen be kiiri loon ni Ala nyaa siranbaliw halaki loon nyaa.

Matiyu 25:46

Olu na taa tɔɔɔ banbali la, tlenenw na don nyanamanya banbali la.

Matiyu 13:41, 42

Mɔgɔ Denke na a ka melekew cii, feen minw bee be mɔgɔw kunnantinye, ani minw be koo jugu ke, u na olu bee ce ka u bo a ka masaya la. U na u bee fili gwan tugu tasuma kɔɔɔ, kasi ni nyiin nyimi na ke yen.

Matiyu 18:8

Ni i bolo wala i seen be i bila jurumu la, a tige ka a fili. I bolo kelen tigi wala i seen kelen tigi ka don nyanamanya la, o kafisa i ma i bolo fila tigi wala i seen fila tigi ka bila tasuma sabali la.

Romekaw 1:18

Ala ka dimiya y'i yira ka bo sankolo la, mɔgɔw ka Ala nyaa siranbaliya ni u ka tlenbaliya bee kama, olu minw be tinye bali ni u ka tlenbaliya ye.

Zaburuw 9:18

Mɔgɔ juguw na lasegin kɔɔ fe ka bila Hadesi kɔɔɔ, olu ni siya minw bee nyinena Ala kɔɔ.

Heburuw 9:27

A latigεra mεgεw ye, ko u ka sa sinyε kelenpe, o kεε, kiiri na tige.

2 Piyεrε 2:9

O cogo la Matigi bε se ka Ala nyaa siranbaw tla kεrεbεli la, ka mεgε tlenbaliw mara kiiri loon nyaa tεεrε kama.

2 Kεrentekaw 5:10

Wajibi lon an bεε ka an yerεw yira Krisita ka kiiritige yεrε la, walasa mεgεw bεε kelen kelen ye min kε ka u to u farikolo la, koo nyuman o, koo jugu o, u ka o sεrε ka kenye ni u ka kεwaliw ye.

Yirali 20:12

Ne ye suw bεε ye, kunbabaw ni dεgεmaniw, u jεlen bε masa sigi-

lan nyaa kεrε. Kitabu daa yεlε-la. Kitabu dεwerε daa yεlεla, o ye nyanamanya kitabu ye. Kiiri tige-ra suw kan o kitabu koo sεben-nenw la, ka kenye ni u ka kεwaliw ye.

Kεwaliw 17:31

Katuguni a ye loon dε sigi, a na kiiritige dien kan ni tlenneya ye a ka cεε lasigilen de bolo. A ye taa-mashyen gwelen kε o la mεgεw bεε ye, katuguni a y'a lakunun ka bε suw cεman.

1 Yuhana 4:17

Kanuya bε dafa an fe nin de la walasa an jaa ka gweleya kiiri loon na, katuguni ale bε cogo min na, an fana bε dien na o cogo de la.

2 Kōrentekaw 9:15

Barika Ala ye a ka nilifen dama lɔnbali kɔsɔn.

2 Kōrentekaw 8:9

Aw ye an Matigi Yesu Krisita ka neema lɔn, ko a fɛn tigiman kɛra fanntan ye aw kɔsɔn, walasa aw ka fɛn tigiya ale ka fanntanya fɛ.

Kɛwaliw 4:33

Cidenw tun bɛ Matigi Yesu kunnunni seereya kɛ ni sebayaba ye, neemaba kɛra u bɛɛ kan.

Rɔmekaw 5:15

Nga o hake koo ni Ala ka nili tɛ cogo kelen na. Ni mɔgɔ kelen ka hake y'a to mɔgɔ caman sara, a gwɛyalen bɛ ka tɛmɛn o kan ko

Ala ka neema ani nilifen min ye mɔgɔ kelen Yesu Krisita ka neema nɔɔ ye, olu cayara mɔgɔ tɔw bɛɛ ye.

Rɔmekaw 9:16

O de kɔsɔn, o tɛ mɔgɔ sago nɔɔ ye, o tɛ mɔgɔ ka boli nɔɔ ye, o ye makarikɛla Ala de nɔɔ ye.

Tite 3:7

Walasa jo dilen kɔɔ an ma a ka neema barika la, an ka kɛ cɛɛn talaw ye, ka kɛnyɛ ni nyanamanya banbali jigi ye.

1 Piyɛrɛ 5:5b

...Ala bɛ kuncɛbaw kɛlɛ, nga a bɛ neema di yɛrɛ majiginnenw ma.

Kewaliw 2:38

Piyere y'a fo u ye, ko: Aye nimisi aw ka jurumuw la, aw bee kelen kelen ka batise Yesu Krisita tɔgo la aw ka jurumuw yafa kɔson.

Matiyu 3:2

A ko: Aye nimisi aw ka jurumuw la katuguni sankolo masaya surunyara.

Kewaliw 17:30

Ala ma o lonbaliya tumaw jati, nga sisan a b'a fo mɔgow bee ye yoro bee, ko u ka nimisi u ka jurumuw la.

2 Korɛntekaw 7:10

Nyanasisili min benna Ala ma, o de b'a to mɔgo be nimisi jurumu

la ka kisili soro. Nimisi te o nimisili la nga dien ka nyanasisili be saya de ke.

Luka 13:3

Ne ko, ayi, nga ni aw ma nimisi aw ka jurumuw la, aw benna halaki ten.

Kewaliw 3:19

Aye nimisi aw ka jurumuw la sa ka segin Ala ma, walasa aw ka jurumuw ka josi ka bo yen, walasa lafinye tumaw ka na ka bo Matigi fe.

Talenw 28:13

Nin min be a ka hakew dogo, o tigi ka koo te nye, nga min be jo u la ka u bila, o be makari soro.

Marika 2:5

Yesu ye u ka danaya ye minkɛ,
a y'a fɔ o cɛɛ faan fila salen ye,
ko: Ne deen, i ka jurumuw yafara
i ma.

Matiyu 6:14

Ni aw bɛ mɔgɔw ka hakɛw yafa
u ma, aw sankolo la Faa fana na
yafa aw ma.

Ezayi 55:7

Mɔgɔ jugu ka a ka sira bila,
mɔgɔ tlenbali ka a ka miirili cogo
bila. A ka kɔsegin Zehofa ma, a na
makari a la. A ka kɔsegin an ka
Ala ma, katuguni a na yafali koo
caya.

Ezekiyel 18:21

Ni mɔgɔ jugu yelemana ka a ka
jurumu kelenw bɛɛ daa bila ka ne
ka ton sigilenw bɛɛ kolɔsi ka seɛɛ
koo ni tinyɛ koo kɛ, o tigi nyana-
man na to, siga t'a la, a tena sa.

Kɛwaliw 5:31

Ala ye ale de kɔrɔta a kini bolo
faan fɛ ka kɛ Masakɛ ni Kisiba
ye, walasa a ka nimisili ni juru-
mow yafa di Israyeli ma.

Yirali 3:20

Ne jɔlen flɛ daa la ka daa gosi.
Ni mɔgɔ dɔ ye ne kan men ka daa
yeɛ, ne bɛ don o fɛ, ka dumuni kɛ
a fɛ, a na dumuni kɛ ne fɛ.

Ezayi 1:16

Aw ka aw ko ka aw gweya. Aw ka aw ka kewali juguw bila ka u bo ne nyaa korɔ ka koo jugu keli daa bila.

Tite 2:11, 12

Katuguni Ala ka neema min be na ni kisili ye mɔgɔw bɛɛ ye, o y'i yira. O bɛ an kalan ko an ka ban Ala nyaa siranbaliya ni nin dien negew ma, ka taama nin waati tuma la ni hakili sigilen ni tlen-nya ni Ala nyaa siran ye.

I Yuhana 2:15, 16

Aw kana dien kanu, aw kana dien kɔnɔ fenw kanu. Ni dɔ ye dien kanu, an Faa kanuya te o tigi kɔnɔ

fewu, katuguni fɛɛn minw bɛɛ be dien na, farisogo nege, nyaa nege, ani dien ka yere yirantiya, olu ma bo an Faa la mɛnɛ, u bɔra dien de la.

Kɔlɔsekaw 3:2

Aye miiri sanfɛ fenw la, aw kana miiri dugukolo kan fenw la.

Efɛzekaw 5:11

Aw ni dibi kewali nafantanw kana jɛn nga aw ka u korɔfɔ yere.

Yakuba 4:4

Jaatɔw, aw m'a lon ko dien teriya ye Ala juguya de ye wa? Min b'a fɛ ka kɛ dien teri ye, o ye a yere kɛ Ala jugu de ye.

Bangi Kokura

1 Yuhana 2:29

Ni aw y'a lon ko ale tlennen lon,
ay'a lon fana ko mogo o mogo be
tlennenya kan, o bangira ale de fe.

Ezekiyel 36:26

Ne na dusukun kura fana di aw
ma ka nii kura ke aw konɔ. Ne na
dusukun magaman di aw ma.

Yuhana 3:3

Yesu y'a jaabi, ko: Tinye, tinye,
ne b'a fo i ye ni mogo ma bangi ko-
kura, a te se ka Ala ka masaya ye.

1 Korintekaw 6:11

Aw dow tun be ten de, nga aw
kora, aw bilara Ala ye ka saniya,

jo dira aw ma an Matigi Yesu tɔgo
la, ani an ka Ala Nii barika la.

2 Korintekaw 5:17

O de y'a to ni mogo do be Krisi-
ta la, a kera danfen kura ye. Feen
korow temenna, a fle, feen bee kera
kura ye.

1 Piyere 1:23

O ma ke ni sii tolita ye, fo sii
tolibali, Ala ka kuma nyanaman
banbali barika la.

1 Yuhana 5:18

An y'a lon ko mogo o mogo ban-
gira Ala fe, o te to ka jurumu ke,
nga min bangira Ala fe, o be a
mara, o juguman te maga a la.

Saya Jurumu Taa Faan Fe—Nyanamanya Krisita La 29

Galasikaw 5:24

Minw ye Krisita Yesu taa ye, olu koni ye farisogo ni a negew ni a sagow gwengwe yiri la.

Efezekaw 2:1, 6

Aw koni salen tun be aw ka hakew ni aw ka jurumu la . . . A ye an lakunun nyogon fe fana, ka an sigi nyogon fe sankolo yorow la Krisita Yesu la.

Romekaw 6:2, 11

An minw sara jurumu taa faan fe, an na to ka jurumu ke cogo di? . . . O cogo la, aw fana, aye aw yerew jati suw ye jurumu taa faan fe, ka aw jati nyanamanw ye Ala taa faan fe Krisita Yesu la.

1 Piycere 2:24

Ale yere ye an ka jurumuw ta a farikolo la yiri kan, walasa an ka ke salenw ye jurumuw taa faan fe, ka nyanamanya tlennenya taa faan fe. Aw kencyara ale gosili now fe.

Kolosekaw 2:13

Aw salen tun be aw ka hakew ni aw farisogo bolokobaliya la tuma min na, a ye aw ni ale nyanamanya nyogon fe, k'a sorow a ye an ka hakew be yafa an ma.

Kolosekaw 3:1

Ni aw ni Krisita kununna nyogon fe, aye sanfe fenw nyini. Krisita sigilen be Ala kini bolo faan fe yen.

Nyanamanya Banbali

Galasikaw 6:8

Min ye danni ke a farisogo ye, o na tolilenya sɔɔ ka bɔ farisogo la. Min ye danni ke Nii Senu ye, o na nyanamanya banbali sɔɔ ka bɔ Nii Senu la.

Yuhana 3:14, 15

Musa ye saa kɔɔta kungokolo kɔɔ cogo min na, wajibi lon Mɔgo Denke fana na kɔɔta ten de, wala sɔɔ mɔgo o mɔgo lara a la, o kana halaki, nga o ka nyanamanya banbali sɔɔ.

Yuhana 17:3

E min ye Ala sebe kelenpe ye, ani i ye Yesu Krisita min cii, ka e ni o lon, o de ye nyanamanya banbali ye.

Yuhana 5:24

Tinye, tinye, ne b'a fo aw ye ko nin mɔgo min ye ne ka kuma lamɛn ka la ne ciba la, nyanamanya banbali be o tigi fe, o seen te kiiri la, nga a bɔra saya la ka don nyanamanya la.

Rɔmekaw 6:23

Jurumu sarafɛn ye saya ye, nga Ala ka nilifɛn ye nyanamanya banbali de ye Krisita Yesu, an Matigi la.

Yuhana 3:36

Nin mɔgo min lara a Denke la, nyanamanya banbali be o tigi fe. Nin min ma sɔn ka la a Denke la, o tena nyanamanya ye, nga Ala ka dimiya tolen be o kan.

Galasikaw 4:6

Aw ye denkw ye, o de y'a to Ala ye a Denke Nii cii ka don aw dusukunw na, a be peren, ko: Aba, an Faa.

Ezayi 32:17

Tlennenya ka baara na ke here ye, tlennenya na na ke lafinye ni jigi sigilen ye fo abada.

Romekaw 8:16

Nii Senu yere be seereya ke an nii fe, ko an ye Ala denw de ye.

1 Yuhana 3:18, 19, 24

Denmisenw, an ka kanuya kana ke daa la kuma ni nen kuun na, fo kewali ni tnye la. O de y'a to

an k'a lon ko an ye tnye taa ye, an na an dusukun sigi ale nyaa koru . . . Nin min be ale ka cii folenw mara, o tigi tolen be ale la, ale tolen be o tigi la. An y'a lon ko ale tolen be an na, a Nii de barika la, a ye o di an ma.

Yuhana 14:21

Ne ka cii folenw be min bolo, ni a be u mara, o de be ne kanu. Min be ne kanu, ne Faa na o kanu, ne fana na o kanu ka ne yere yira a la.

1 Yuhana 4:13

Nin de y'a to an k'a lon ko an tolen be ale la ani ale tolen be an na, katuguni a ye a Nii do di an ma.

Krisita Ka Sigi I Dusu La, Nyagari Lon

Yuhana 17:13

Sisan ne be taa i ma. Ne be nin kow fo dien na, walasa u ka ne ka nyagari dafalen soro u yerew kono.

Ezayi 12:3

Aw nyagarilen na jii bo kisili kolonw kono.

Katuguni Ala ka masaya te dumuni ni minni ye, fo tlennanya ni dusu suma ani nyagari, Nii Senu barika la. —Romekaw 14:17

Galasikaw 2:20

Ne ni Krisita gwengwena yiri la nyogon fe. Ne nyanaman lon, ne yere te mene, Krisita de be nyana-

manya ne kono. Ne be nyanaman-ya sisan farisogo la, ne be o ke Ala Denke danaya fe, o ye ne kanu ka a yere di ne koton.

Efezekaw 3:17a

Ko Krisita ka aw dusukunw ke a sigi soo ye danaya barika la.

Zaburuw 16:11

I na nyanamanya sira yira ne la. Nyagari dafalen be soro i nyaa koro, diyanye kow be i kini bolo fe fo abada.

Yuhana 15:11

Ne ye nin kow fo aw ye walasa ne ka nyagari ka ke aw kono, ani aw ka nyagari ka dafa.

Romekaw 6:16

Aw be aw yerew bila min bolo ka ke a ka jonw ye ka a kan mine, aw be min kan mine, aw ma a lon ko aw ye o tigi ka jonw ye wa? Ni jurumu taa lon, o laban ye saya de ye. Ni kan mineli taa lon, o laban ye tlenneya de ye.

2 Tesalonikewaw 1:7-9

... Aw minw toorolen be, ni Matigi Yesu y'i yira tuma min na ka bo sankolo la ni a ka sebaya melckew ye ni tasuma manaba ye, ka hake bo Ala lonbaliw ani Matigi Yesu Krisita kibaru diman kan mincbaliw la. Olu tooro na ke halakili banbali ye. U na gwen ka bo

Matigi ni a ka sebaya nooro koro a na tuma la.

1 Samuwel 12:15

Nga ni aw ma son ka Zehofa kan mine, ni aw murutira Zehofa ka cii folen ma, o tuma la Zehofa bolo na aw kele, iko a ye aw benbaw kele cogo min na.

Duteronome 11:26-28

A fle, ne be duba ni danga bila aw nyaa koro bi. Ne be Zehofa aw ka Ala ka cii minw fo aw ye bi, ni aw ye olu lamem, o na ke duba koo ye. Ni aw ma Zehofa aw ka Ala cii folenw lamem . . . o na ke dangali koo ye.

Ka I Jo Krisita La I Daa La, Wajibi Lon

Filipekaw 2:11

Ani neen kuun bee ka jo a la ko Yesu Krisita ye Matigi ye. O na nɔɔɔ la Faa Ala kan.

Luka 9:26

Nin mɔɔɔ min maloyara ne ni ne ka kuma ma, Mɔɔɔ Denke na maloya o tigi ma, ni a nana ni a yere nɔɔɔ ye tuma min na, ani a Faa nɔɔɔ ani meleke senumanw fana nɔɔɔ.

Matiyu 10:32, 33

Mɔɔɔ o mɔɔɔ y'a fo mɔɔɔw nyaa na ko a sɔnna ne ma, ne fana n'a fo ne sankolo la Faa nyaa na ko ne sɔnna o tigi ma. Nga min ye i da-

lace ne la mɔɔɔw nyaa na, ne fana na ne dalace o tigi la ne sankolo la Faa nyaa na.

Rɔmekaw 10:9, 10

Ni i be i jo Matigi Yesu la i daa la, ka la a la fana i dusukun na ko Ala y'a lakunun ka bo suw ceman, i na kisi. Mɔɔɔ be danaya ke a dusukun na ka tlenneya sɔɔɔ, a be i jo a la a daa la ka kisili sɔɔɔ.

1 Yuhana 2:23

Mɔɔɔ o mɔɔɔ be i dalace Ala Denke la, a Faa te o taa ye fewu. Mɔɔɔ o mɔɔɔ b'i jo Ala Denke la, a Faa fana ye o taa ye.

2 Tesalonikew 2:9

O ton cenba nali be ke ka kenye ni Sitane ka baara ke cogo ye, ni kabako sifa bee ye.

Kewaliw 26:18

Ko ne ka u nyaw layele, walasa u ka bo dibi la ka don kene la, ka bo Sitane fanga la ka taa Ala ma, walasa u ka jurumu yafa soro, ka cen ta saniyalenw fe, olu minw bilara Ala ye ka saniya ale danaya barika la.

Matiyu 4:1, 10, 11

O kelen kro, Nii Senu ye Yesu nyaa mine ka taa n'a ye kungokolo kro, walasa a ka korobo Sitane

fe. . . O tuma la, Yesu y'a fo a ye: Taa, ka bo yan, Sitane, katuguni a sebcnen be, ko i ka i Matigi Ala bato ka baara ke o kelenpe ye. O kro, Sitane taara ka a to yen. Melkew nana ka a mako nye.

1 Piyere 5:8

Aye aw hakili sigi ka to aw nyaa na. Aw kele nyogon, Sitane, be yaalayaala i n'a fo waraba konboto. A be se ka min soro k'a dun, a be o de nyini.

Efezekaw 6:11

Aye Ala ka kele ke minenw bee don, walasa aw ka se ka jo ka Sitane ka nanbaraw kuunben.

Heburuw 2:14

Denw kera jennyogonw ye jöli ni farisogo la. O de y'a to ale yere ye niyoro ta jöli ni farisogo la, wala-sa saya fanga be min bolo, Sitane kóni, a ka o barika ban ni saya ye.

1 Yuhana 3:8

Nin min be to ka jurumu ke, o bora Sitane de la, katuguni Sitane be jurumu ke kabini fólófoló. Nin de y'a to Ala Denke y'i yira, wala-sa a ka Sitane ka kewaliw cen.

Rómekaw 8:35, 37

Jónni na an fara ka bõ Krisita ka kanuya la? Bõneba wala nyani,

wala mogo ka tooro, wala kongoba, wala fyere, wala siran kow, wala npan wa? . . . Nga o fenw bee la an temenna see sorobaw kan an kanuba barika la.

Yakuba 4:7, 8a

O de koson, aye kolo Ala ye, aye jo Sitane nyaa ka a kele, ni o kera, a na boli k'i mabo aw la. Aye gere Ala la, ale fana na i gere aw la.

2 Tesalonikckaw 2:8

O tuma la o ton cenba na i yira, Matigi Yesu na a jenni ni a dafinye de ye, ka a halaki ni a yirali manamana ye.

Kanuya Ye Yesu Ka Kalanden Cogo Ye 37

Yuhana 13:35

Mogow bee na lon ko aw ye ne ka kalandenw ye nin de la, ni aw be nyogon kanu.

Yuhana 21:16

A y'a fo a ye a sinye filana na tun, ko: Zonasi denke Simon, i be ne kanu wa? A y'a fo a ye: Owɔ, Matigi, i y'a lon ko i koo kadi ne ye. A y'a fo a ye: Ne ka sagaw gwen.

1 Korɛntekaw 13:1

Hali ni ne be kuma mogow kanw ni melekew kanw na, k'a sorɔ kanuya te ne kɔnɔ, ne be iko denyen mankan citɔ wala weleninw.

1 Yuhana 3:14

An y'a lon ko an bɔra saya la ka don nyanamanya la, katuguni an be balimaw kanu. Nin min te a balima kanu, o tolen be saya la.

Galasikaw 5:22

Nga Nii Senu deen ye kanuya ye, ani nyagari, herɛ, munyuli, hine, nyumanya, danaya, sabali, yere mineli.

1 Yuhana 4:20

Ni mogɔ do y'a fo ko a be Ala kanu, k'a sorɔ a be a balima koniya, galon tigela lon, katuguni a nyaa be a balima min na, ni a ma o kanu, a nyaa te Ala min na, a be se ka o kanu cogo di?

Romekaw 4:25

Ale donna kiiri la an ka hakew kɔsɔn, a lakununna an jɔ sɔrɔ kɔsɔn.

Marika 16:9

Yesu kununnen kɔɔ, lɔgɔkun loon fɔlɔ, sɔgɔma daa fɛ, a ye i yira Magedala Mariyama la fɔlɔ. A tun ye jine wolonwula gwen ka bɔ o de la.

Yuhana 20:26-28

O kɔɔ tile seegin, kalandenw tun be soo kɔnɔ tun, Toma tun be u fɛ. Yesu nana i jɔ u cɛman, k'a sɔrɔ soo daw tugulen be. A ko: Here ka ke aw ye. O kɔɔ, a y'a fɔ

Toma ye, ko: I bolokɔni ke yan ka ne bolow fɛ. I bolo monobɔ ka a don ne kere la. I kana ke danabali ye, fo danaba. Toma y'a jaabi, ko: Ne Matigi ni ne ka Ala.

Kewaliw 10:39-41

A ye min bee ke Yahutuw ka jamana la, ani Zerusalem, an de ye o seerew ye, u y'a gwengwe yiri la ka a faga. Ala y'a lakunun a tile sabanan loon, ka a to a ka i yira mɔgɔ dɔw la, nga mɔgɔw bee te, fo seere minw nyanawolomana Ala fɛ ka kɔrɔ, an kɔni, minw ye dumuni ke ka minni ke a fɛ a kununnen kɔɔ ka bɔ suw cɛman.

Matiyu 16:21

Kabini o tuma la, Yesu y'a daa minc ka a yira a ka kalandenw la ko wajibi lon a ka taa Zerusalem, ka tɔɔrɔ koo caman na cɛkɔrɔbaw ni saraka lasebaw kuntigiw ni sebennikelaw fe, ka faga, ka la-kunun a tile sabanan loon.

Rɔmekaw 1:4

A kununni ka bɔ suw cɛman, o y'a yira ko a ye Ala Denke ye senuya Nii taa faan fe.

Yuhana 5:25, 28, 29

Tinye, tinye, ne b'a fɔ aw ye ko waati be na, o waati be sisan yere, mɔgɔ salenw na Ala Denke kan men, a menbaw na nyanamanya.

... Aw kana kabakoya o la, katu-guni waati be na, kaburu kɔnɔ mɔgɔw bɛɛ na a kan men. U na bɔ yen, koo nyuman kelaw na kunun nyanamanya kama, koo jugu kelaw na kunun kiiri kama.

Rɔmekaw 6:3-5

Aw ma a lon wa ko an minw bɛɛ batisera Krisita Yesu la, an bati-sera a saya de la? An suw ni ale suu donna nyɔgɔn fe batiseli fe saya la, walasa Yesu kununna ka bɔ suw cɛman a Faa nɔɔrɔ barika la cogo min na, o cogo la, an fana ka taama nyanamanya kuraya la. Ni an ni ale kera kelen ye a saya bisigi la, an ni ale na ke kelen ye a kununni fana bisigi la.

2 Kōrentekaw 7:1

O layidu bē an fē, kanulenw, o de kōson an ka an yerew saniya farisogo nōgolenya ani dusukun nōgolenya bēe la, ka saniyali dafa Ala nyaa siran na.

2 Timote 2:21

Nin mōgō min ye a yerē saniya ka bō o kow la, o na kē baara nyuman kē minen ye, a bilalen bē Ala ye ka saniya, a labennen bē baara nyuman bēe kama, a na ben a matigi ka baara ma.

Efezekaw 1:4

A ye an nyanawoloma ale la sannī dien juu ka sigi, walasa an ka kē senumanw ni jalakibaliw ye a nyaa kōrō kanuya la.

1 Piyere 1:15

Nga aw weleba ka senu cogo min na, aw yerew fana ka kē senumanw ye ten aw cogo bēe la.

2 Timote 2:15

I jija ka i yerē yira Ala la iko baarakela min ye tōgō nyuman sōrō, ni maloya sababu t'a la, a bē tinye kuma faranfasi coge sebe la.

1 Piyere 1:2

Faa Ala kōnna ka u lōn, u nyanawolomalen bē ka kenye ni o lōniya ye, Nii Senu ka saniyali barika la, walasa u ka Yesu Krisita kan minē, ani a jōli ka seriseri u kan. Neema ni dusu suma ka caya aw ye.

Luka 1:74, 75

A na a to an ka tla an juguw la, ka baara ke a ye ni siran te, senuya ni tlenneya la, a yere nyaa koro an shii bee la.

Ezayi 35:8

Siraba na ke yen, o sira na wele ko sira senuman. Fcen nagon tena temen a fe, a na ke u dama taa ye. A taamabaw tena fili a la, hali ni hakilintanw lon.

Heburuw 13:12

O de y'a to Yesu fana, walasa a ka mogow bila Ala ye ka u saniya ni a yere joli ye, a torola dugu koo fe.

2 Piyere 3:11

Ni o fenw bena yeelen ten, aw kakan ka ke mun sifa mogow ye, taama senuman ni Ala nyaa siran na.

Matiyu 3:11

Ne koni be aw batise jii la nimsili kason, nga min be na ne koo, o fanga kabon ni ne taa ye, ne mankan ni a ka sabara tali ye. O de na aw batise Nii Senu ani tasuma la.

1 Yuhana 1:9

Ni an b'an jo an ka jurumuw la, ale ye kantigi ye, a tennen be, ka an ka jurumuw yafa an ma, ani ka an saniya koo jugu bee ma.

Kewaliw 1:8a

Nga aw na sebaya soro ni Nii Senu jiginna ka na aw kan tuma min na

Kewaliw 4:31

U ye Ala dali minke, u lajennen be yoro min na, o yereyerela, u bee fara Nii Senu la, u ye Ala ka kuma fo ni jaa gweleya ye.

Kewaliw 13:52

Kalandenw koni fara nyagari ni Nii Senu la.

Luka 11:13

Aw minw ka jugu, ni aw be feen nyumanw di cogo lon aw denw ma, aw sankolo la Faa tena Nii

Senu di a dalibaw ma ka temen aw ka di cogo kan kosobe wa?

Romekaw 8:9

Aw koni te farisogo taa ye nga aw ye Nii Senu taa ye, ni a y'a soro Ala Nii sigilen be aw konso. Krisita Nii te min konso, o tigi te Krisita taa ye fewu.

Kewaliw 11:24

Mogow nyuman nyuman lon, a fallen be Nii Senu ni danaya la. Mogow caman caman farala Matigi kan.

Ezekiyel 36:27

Ne na ne Nii ke aw konso k'a to aw ka ne ka ton sigilenw taama ka ne ka koo latigelenw mara ka u ke.

Zaburuw 34:19

Zehofa kasurun mɔgɔ dusu kasilenw na, a be mɔgɔ dusu nimisibatɔ kisi.

Ezayi 66:2

Ne bolo ye o fenw bee dlan; o fenw bee kera ten, Zehofa ye o fɔ. Nga ne na min fle, o ye fanntan dusu nimisibatɔ ye, ni a be yereyere ne ka kuma nyaa.

1 Piyere 4:12, 13

Kanulenw, kɔrɔbɔli tasumaman min be aw ceman ka aw kɔrɔbɔ, aw kana kabakoya o la, i n'a fɔ kabako feen ye aw sɔrɔ. Aye nyagari, kamasɔrɔ aw ye niyɔrɔ sɔrɔ Krisita ka tɔɔrɔw la, walasa a

nɔɔrɔ fana mana yira tuma min na, aw ninsɔdiyalen ka nyagari haali.

Yirali 21:4

A na nyaji bee ce ka bɔ u nyaw la. Saya tena ke tun, nyanasisi fana tena ke tun, wala kasi, wala dimi, katuguni feen folɔw temenna.

Zaburuw 37:3

I jigi la Zehofa kan ka koo nyuman ke. I sigi jamana la ka balo a ka kantigiya la.

Matiyu 6:33

Aye Ala ka masaya ni a ka tlen-nya folɔ nyini. Ni o kera, o fenw bee na fara aw taa kan.

Zaburuw 34:20

Məgə tlennen degun kow kaca,
nga Zehofa b'a tla u bəe la.

Heburuw 2:18

A bə se ka kərəbolenw demə,
kamasərə a yere tərəla kərəboli
fə.

Ezayi 43:2

Ni i bə jiw cə tige tuma min na,
ne na ke i fə yen. Ni i bə baw cə
tige tuma min na, u tena i tunu.
Ni i bə taama tasuma cəman tuma
min na, a tena i jəeni, tasuma tena
i mine.

1 Kərəntekaw 10:13

Kərəboli si ma aw sərə ni o tə
məgə kərəboli ye. Ala ye kantigi
ye, a tena sən aw kərəboli ka

təmen aw barika dan yərə kan,
nga kərəboli mana ke, Ala na bə
yərə yira, walasa aw ka se ka o
kərəboli munyu.

Rəmekaw 16:20

Hərətigi Ala na Sitane conkon
aw seen kərə səni.

Rəmekaw 8:28

An y'a lən fana ko fəen bəe bə
baara ke nyəgən fə ka koo nyu-
man ke Ala kanubaw ye, olu ye a
ka welelenw ye ka kenye ni a ka
koo latigelen ye.

2 Kərəntekaw 4:17

An ka waatinin tərə finyeman
bə nərəba ke an ye, a dama lən-
bali.

Yirali 21:7

Min ye see sɔrɔ, o na ke nin kow cɛɛn tala ye. Ne na ke a ka Ala ye, a na ke ne deen ye.

Yirali 3:21

Min mana see sɔrɔ, ne n'a di o ma a ka i sigi ne fe ne ka masasigilan kan, iko ne fana ye see sɔrɔ, ka ne sigi ne Faa fe a ka masasigilan kan cogo min na.

Yirali 3:12

Min mana see sɔrɔ, ne na o ke samasen ye ne ka Ala bato soba kɔrɔ, a tena bɔ kenema tun. Ne na ne ka Ala tɔgɔ seben a kan, ani ne ka Ala ka dugu, Zerusalem

kura tɔgɔ, o be jigin ka bɔ sankolo la, ne ka Ala yɔrɔ, ani ne tɔgɔ kura.

Yirali 3:5

Min mana see sɔrɔ, fini gwɛmanw na don o kaan na. Ne tena o tɔgɔ jɔsi ka bɔ nyanamanya kitabu la. Ne na a tɔgɔ fɔ fana ne Faa nyaa kɔrɔ ani a ka melekew nyaa kɔrɔ.

Yirali 2:7

Nii Senu be min fɔ eglisiw ye, tulo be min fe, o ka o lamɛn. Min mana see sɔrɔ, nyanamanya yiri min be Ala ka alijene la, ne na o deen dɔ di o ma, a k'a dun.

Romekaw 7:2, 3

Muso min furula, o sirilen be a cee la ton fe ka a cee nyanaman to, nga ni a cee sara, a hɔɔnyara a cee ka ton ma. O de y'a to, ka a cee nyanaman to, ni a kera cee were muso ye, a na wele jatɔmuso, nga ni a cee sara, a hɔɔnyara o ton ma. O tuma la, ni a kera dɔwere muso ye, a te jatɔmuso ye.

1 Korɛntekaw 7:10, 11, 39

Minw furulen be kɔni, ne be nin gwɛleya u ma, ne m'a fɔ de, Matigi de y'a fɔ, ko: Muso kana fara a cee la. Ni a farala a la, a furubali ka to, wala a ka segin a cee ma. Cee fana kana a muso bila... Ka

muso cee nyanaman to, a sirilen be a cee la o tuma bee la. Ni a cee sara, a hɔɔnyara. Cee min kadi a ye, a be se ka furu o ma, nga o furu ka ke Matigi la dama.

Luka 16:18

Mɔgɔ o mɔgɔ ye a muso furu sa ka dɔwere furu, o be jatɔya ke. Min ye walimuso furu salen furu, o be jatɔya ke.

Matiyu 5:32

Ne kɔni b'a fɔ aw ye ko mɔgɔ o mɔgɔ ye a muso furu sa ni jatɔya sababu te, o be o muso bila jatɔya la. Min ye muso furu salen furu, o be jatɔya ke.

Yakuba 5:8

Aw fana ka munyuli ke ka aw dusukunw sabati, katuguni Matigi nali surunyara.

Yuhana 14:3

Ni ne taara yoro dlan aw ye, ne be na kokura ka aw ta ne fe, wala sa ne be yoro min na, aw fana ka ke yen.

Matiyu 24:27

Saan yegyege be bo koron fe ka ye fo tilebi faan fe cogo min na, Mogo Denke na cogo na ke ten de.

Matiyu 24:30

O tuma la, Mogo Denke ka taa-mashyen na ye sankolo la. O tuma la fana, dugukolo kan siyaw bena kasi kanba bo, u na Mogo Denke

nato ye sankabaw kan ni sebaya ni nooro ba ye.

Yirali 3:11

Ne be na soni. Min be i bolo, o mine kosebe, walasa mogo si kana i ka masa fugulan ta.

Matiyu 25:31

Mogo Denke mana na ni a nooro ye, a ni a ka melekew bee nyogon fe, a na sigi a ka nooro masasigilan kan.

Marika 8:38

Nin min maloyara ne ni ne ka kuma ma nin mowolo jaato jurumu kelaw ceman, Mogo Denke na maloya o tigi ma, ni a nana a Faa nooro la tuma min na, a ni a ka meleke senumanw nyogon fe.

Luka 21:27

O tuma la u na Mɔgɔ Denke nato ye sankaba kan ni sebaya ni nɔɔɔba ye.

1 Yuhana 3:2

Kanulenw, sisan an ye Ala denw de ye, an na ke min ye, o ma yira fɔɔɔ. An y'a lon ko ale mana i yira, an na ke a bonyɔɔɔn kow de ye, katuguni ale be cogo min na, an na a ye ten.

Yirali 16:15

A fle, ne be na iko soon. Min be to a nyaa na ka a ka finiw mara,

walasa a fari lakolon kana taama, mɔgɔw kana a maloya ye, o ye du-baden ye.

Kewaliw 1:11

Olu ko: Galilekaw, mun na aw jɔlen be yan ka sankolo fle? Nin Yesu min korɔtara ka bɔ aw cɛman ka taa sankolo kɔnɔ, ale yere be na ten de, iko aw y'a tato ye sankolo kɔnɔ cogo min na.

Matiyu 16:27

Mɔgɔ Denke be na a Faa nɔɔɔ la, a ni a ka melekew nyɔɔɔn fe. O tuma la, a na mɔgɔw bee sara ka kenye ni u ka kewaliw ye.

Ala Ka Kuma

2 Piyere 1:21

Katuguni kiraya kuma ma na mɔgɔ sago la abada, nga Ala ye min di mɔgɔw ma, u kumana ka o fɔ Nii Senu barika la.

Zaburuw 119:11

Ne ye i ka kuma mara ne dusukun na, walasa ne kana na i hake ta.

Matiyu 22:29

Yesu ye u jaabi, ko: Aw fililen be, katuguni aw ma Kitabu w kɔrɔ lɔn, aw ma Ala ka sebaya fana lɔn.

Zaburuw 119:105

I ka kuma ye fitine ye ne seen ye, a be yeelen bɔ ne ka sira la.

Luka 21:33

Sankolo ni dugukolo na temen nga ne ka kuma tena temen.

Kitabu kuma bee kera a seben-nikɛlaw kɔnɔ Ala dafinye fe. Nafa b'a la kalanni ni kɔrɔfɔli ni latlenni kama, ani kololi tlen-nenya la. —2 Timote 3:16

Duterɔnɔme 4:2

Ne be kuma min fɔ aw ye, aw kana dɔ fara o kan, aw kana dɔ bɔ a la, walasa ne be Zehofa aw ka Ala ka cii minw fɔ aw ye, aw ka olu mara.

Zaburuw 119:89

O Zehofa, i ka kuma sabatilen be sankolo kɔnɔ fo abada.

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, Indiana 46553 U.S.A.